

Monday, September 22, 2025

Time - 2:30pm - 2:35pm

AKASHVANI AIZAWL
REGIONAL NEWS UNIT

BJP PRESIDENT

BJP Mizoram President Dr K Beichhua chuan Dampa bial by-electionah BJP thlan tlin a nih chuan Dampa leh Delhi inzawm tir an tum tih a sawi.

He thu hi vawiina BJP Mizoram State Office, Aizawla chhung inkhawm an hmanna Dampa bye-Election lo awm tura an party candidate tur a puannaah sawiin, BJP Mizoram President Dr. K Beichhua chuan Dampa bial inthlan ah BJP thlan tlin a nih chuan Dampa leh Delhi inzawm tir an tum tih sawiin, Siaha bial chuan Delhi nena inzawm mek an ni tih sawiin Politics chik mite chuan Siaha mipuiten an tih fuh zia an sawi thin a ti a, Union Minister te chuan Mizorama BJP MLA pahnih, Dr K Beichhua leh Pu K Hrahmo te chu an hmingin an ko thei vek tawh niin a sawi bawk a ni.

Byte: Dr. K. Beichhua

Dampa bial by-election lo awm tura BJP candidate Pu Lalhmingthanga pawhin thu sawiin, mi thenkhat chuan pawisa a duh avangin Congress leh BJP ah a lut niin puh mah se, Pathianin thu dik tak a hria a ti a, Dampa Bial by-election candidate zingah amah aia an bial hmangaihtu an awm lo tih sawiin BJP Candidate atana an hotuten an ruat chu Pathian remruatna ni a a hriat thu leh lungawi taka a pawm thu a sawi a ni.



MZP

Mizo Zirlai Pawl Office Bearer thar ten vawiin atang khan hna an tan.

Vawiina MZP Conference Hall-a OB charge an inhlannaah MZP President thar Dr. C. Lalremruata chuan kum 2025-2027 inkara MZP hmachhawp sawiin, Mizo Zirlai Pawl an nih angin zirna leh a kaihnawih an ngaihpawimawh hmasak ber tur thu sawiin, Mizoram chu kum 15 chhung ziak leh chhiar tam ber state ni tawh mah se central service a in ziak tling pakhatmah an awm lo a, ziak leh chhiar thiam ringawt chu hmasawna a ni lova, thiamna tak tak nei zirlai lehkhathiam hmantlak an awm theih nan hma an la dawn a ti a, Mizo zirlai zawng zawngte hman theih turin student aid fund siam an tum a ti a, zirlaiten an zir zawha company hrang hranga hna an hmuh theih nan Mizorama a vawikhatna atan placement agency te nen thawk hova hmalak an tum a ti a. Mizo zirlai ten nu leh pate thawhchhuah chauh ring a zirna chhunzawm lova Mizoram sorkar leh India sorkar bakah Foreign University hnuaia scholarship hrang hrang awm te hmanga zirna an chhunzawm theih nan hmalak a ni dawn a ti a, MZP chu zirlaite tana innghahna tlak a nih theihna tura thawh ho puiah a member puite a sawm a ni.

Byte: Dr. C. Lalremruata

Tun thla September ni 3-a MZP Assembly vawi 65-na neih zawh taka MZP Vice President atana thlan Sanghmingthanga, General Secretary atana thlan C Lalhmingsanga, Asst secretary atana thlan Lalentlinga, Treasurer atana thla Rothanliana leh Financial Secretary atan thlan Nangsawmthanga te pawhin vawiin hian charge an la nghal a ni.



ARMS HAUL

Nimin khan Zokhawtharah 5.56 mm M4A1 Carbine leh silaimu eng emaw zat man a ni.

Assam Rifles leh Zokhawthar Police tangkawp chuan nimin khan an rinhlelh chenna in an hual hnuah, search team-te chuan in hi an dap a, In chhungah hian 5.56 mm M4A1 Carbine pakhat, a magazine, leh silaimu eng emaw zat an man a, he thil kaihnawihah hian Robert Vanlalliana, kum 40, Zokhawthara mi In luah hawha khawsa mek an man a, thu zawhfiah atan Police in an la kawl mek a ni.

Silai, magazine, silai mu leh Robert Vanlalliana inti hi CNDF Vice President lo ni tawh thin a ni a, Zokhawthar Police in kawlin, dan angin hma an lak chhunzawm dawn a ni.



SEVA PARV

Mipui rawngbawl leh sorkar inrelbawlna tha tih thupui a hmangin Prime Minister Narendra Modi sorkarna hnuaiah kum kalta chhung khan hmasawmna kawng hrang hrangin kalpui a ni a.

Tun tum Seva Parv hunah chuan kum 11 chhunga Modi sorkar in ram mipuite tana a hmalakna te han tarlang ila.. Sorkar laipui chuan Pradhan Mantri Awas Yojana-Urban leh Pradhan Mantri Awas Yojana-Gramin kaltlangin mi tinin chenna in tha an neih theih nan beipui a thlak a. Smart Cities Mission kaltlangin khawpui tih changtlun nan project hrang hrang 7500 chuang tihlawhtlin niin, cheng vbch nuai 1 sing 5 chuang sen tawh a ni a.

Hei bakah hian AMRUT leh AMRUT 2.0 hmangin ram mipui ten tui thianghlim leh thli sawngbawlna tha an neih theih nan hmalakna kalpui a ni.



SEVA PARV

Mipui rawngbawl leh sorkar inrelbawlna tha tih thupui a hmangin Prime Minister Narendra Modi sorkarna hnuaiah kum kalta chhung khan hmasawmna kawng hrang hrangin kalpui a ni a.

Tun tum Seva Parv hunah chuan kum 11 chhunga Modi sorkar in ram mipuite tana a hmalakna te han tarlang ila.. Sorkar laipui chuan Pradhan Mantri Awas Yojana-Urban leh Pradhan Mantri Awas Yojana-Gramin kaltlangin mi tinin chenna in tha an neih theih nan beipui a thlak a. Smart Cities Mission kaltlangin khawpui

tih changtlun nan project hrang hrang 7500 chuang tihhlawhtlin niin, cheng vbch nuai 1 sing 5 chuang sen tawh a ni a.

Hei bakah hian AMRUT leh AMRUT 2.0 hmangin ram mipui ten tui thianghlim leh thli sawngbawlna tha an neih theih nan hmalakna kalpui a ni.

